

Turistička zajednica Grada Bihaća u suradnji sa partnerima (Kulturni centar Bihać i Grad Bihać) najavljuje organizaciju VII. po redu novogodišnjeg zimskog festivala „Winter Park 2023“ koji će se održati u vremenskom periodu od **14.12.2023. do 01.01.2024.** godine na Gradskom trgu u Bihaću.

Cilj zimskog festivala je kreirati raznovrstan kulturno-zabavni sadržaj u mjesecu decembru, tokom Novogodišnjih praznika i organizirati proslavu Nove godine na Gradskom trgu kao završnom događaju zimskog festivala, te tokom istog omogućiti ugostiteljsku ponudu jela i pića i prezentirati rad naših obrtnika.

Tim povodom, pozivamo sva zainteresirana fizička i pravna lica registrirana za obavljanje ugostiteljske djelatnosti da se prijave na Javni poziv za dodjelu na korištenje mobilnih kućica tokom trajanja festivala.

Organizatori zimskog festivala obavezuju se osigurati prigodan kulturno-zabavni program za vrijeme održavanja festivala.

Na osnovu člana 53. stav 2. tačka b) Zakona o turizmu (“Službeni glasnik USK” 25/20), člana 16. stav 3. tačka a) i Statuta Turističke zajednice Grada Bihaća (“Službeni glasnik Grada Bihaća” 4/21) Turistička zajednica Grada Bihaća objavljuje

JAVNI POZIV

za dodjelu na korištenje mobilnih kućica u periodu od 14.12.2023.godine do 01.01.2024.godine u okviru zimskog festivala
“Winter Park 2023”

1.Predmet Javnog poziva

Ovim Javnim pozivom prikupljaju se prijave registrovanih samostalnih djelatnosti u osnovnom zanimanju iz oblasti ugostiteljstva i poduzetništva za dodjelu na korištenje 9 (devet) mobilnih kućica tokom trajanja zimskog festivala “Winter Park 2023” (u daljem tekstu: zimski festival).

II Subjekti koji se mogu prijaviti na Javni poziv

Pravo podnošenja prijave za korištenje mobilnih kućica u periodu od 14.12.2023.godine do 01.01.2024.godine imaju:

- a) fizička lica koja obavljaju samostalne djelatnosti (obrnici koji su registrirani za obavljanje ugostiteljske djelatnosti) registrovane na području grada Bihaća, kod nadležnog organa za registraciju djelatnosti u Gradskoj upravi Bihać i koji registrovanu djelatnost obavljaju kao osnovno zanimanje, a u vezi sa pripremom i posluživanjem hrane i pića, te
- b) privredna društva (d.o.o.) koja su registrovana na području grada Bihaća, za obavljanje djelatnosti ugostiteljstva, odnosno priprema i posluživanje hrane i pića.

III Ko ne može učestvovati na ovom Javnom pozivu

Na ovaj Javni poziv ne mogu se prijaviti fizička lica bez registrovane samostalne djelatnosti u oblasti ugostiteljstva i poduzetništva, kao ni subjekti koji imaju status: javne ustanove, javnog preduzeća, organizacije civilnog društva i druga pravna lica.

IV Lokacija i radno vrijeme kućica

Lokacija na kojoj će biti postavljene kućice je gradski Trg grada Bihaća

Radno vrijeme kućica je od 09:00 do 23.00, uz obavezu da kućice moraju biti otvorene i na raspolaganju posjetiocima zimskog festivala svakog dana u periodu od **10.00-15:00** i od **17:00-23.00**. Korisnicima kućica je dozvoljen rad i u toku cijelog radnog vremena (09:00-23:00) ukoliko su u mogućnosti da organiziraju nesmetan rad istih.

U slučaju nepoštivanja radnog vremena zimskog festivala, ugostitelji će platiti penale u duplom iznosu od ponuđenog dnevnog najma. Nepoštivanje radnog vremena utvrđivat će voditelj lokacije, angažiran od strane organizatora, te odmah po utvrđenoj nepravilnosti obavijestiti zakupca o istoj.

V Kriterij za odabir

Kriterij za odabir najpovoljnije ponude je najviša ponuđena cijena.

Početna cijena najma kućice dimenzije 2,4 x 1,6 m za cjelokupni period trajanja zimskog festivala (18 dana) je **1.500,00 KM + PDV**.

Ukoliko dva ili više ponuđača ponude istu cijenu, prednost se daje onom ponuđaču koji je prvi dostavio svoju ponudu, a prema prijemnom štambilju otisnutom na koverti.

Zakup je moguć samo u slučaju najma svih 18 dana festivala i u punom radnom vremenu festivala. Neovisno o vremenskim uvjetima i održavanju programa najam se plaća u punom iznos za 18 dana festivala. Svi zakupci prihvatanjem uvjeta sudjeluju i u manifestaciji proslave Nove godine bez dodatnih troškova.

Komisija je dužna da na osnovu dospjelih prijava sačiniti Zapisnik o radu komisije i Listu krajnjih korisnika najkasnije 5 radnih dana nakon zatvaranja Javnog poziva.

Po konačnom usvajanju Liste iz prethodnog stava, Turistička zajednica Grada Bihaća će sa krajnjim korisnicima zaključiti ugovore o zakupu mobilne kućice.

Konačna rang lista korisnika biće objavljena na službenoj stranici TZ Bihac i stranici Grada Bihaća

Prijavitelji na Javni poziv mogu podnijeti samo jednu prijavu i mogu ostvariti pravo na dodjelu samo jedne kućice.



VI Dužnosti obrtnika i ugostitelja

- Osigurati osoblje za rad
- Pridržavati se radnog vremena
- Plaćanje odvoza smeća
- Imati dostupnu zalihu robe za vrijeme trajanja zimskog festivala
- Ponuda u kućici mora biti istovjetna predloženoj ponudi
- Poštovati odredbe prezentacije i prodaje pojedinog proizvoda sponzora „Winter Parka 2023“
- Poštovati ekskluzivnost prodaje i promocije pića sponzora „Winter Parka 2023“
- Uredno poslovanje i pridržavanje propisa i Zakona države Bosne i Hercegovine
- Poštovati odredbe organizatora o prezentaciji i promociji, uređenju i dekoraciji kućice i okolnog prostora


VII Dužnosti organizatora i nositelja manifestacije

- Obavlja montažu i demontažu objekta
- Besplatni priključak i korištenje električne energije
- Čišćenje vanjskih prostora
- Obezbeđenje lokacije za odlaganje smeća
- Obezbediti vanjske toalete tokom trajanja zimskog festivala
- Besplatan kulturno – zabavni program tokom trajanja manifestacije

VIII Raspored mobilnih kućica

Pozicije mobilne kućice će se krajnjim korisnicima dodjeljivati na dan potpisivanja Ugovora 01.12.2023.godine po principu izvlačenjem brojeva iz bubnja.

Organizator navedene objekte postavlja na sljedeće lokacije



Scanned with CamScanner

IX Način prijavljivanja

Prijave na ovaj Javni poziv podnose se na prijavnom obrascu (Obrazac 1) koji se može preuzeti na internet stranici visitbihac.com.

Prijavni obrazac se popunjava elektronski (na računaru) i ne može se popunjavati ručno!

Uz elektronski popunjen prijavni obrazac (Obrazac 1), prijavitelj je dužan dostaviti sljedeću dokumentaciju:

- Ovjerenu kopiju rješenja o upisu u sudski registar (za pravna lica) .- ne starije od 3 mjeseca od dana objave Javnog poziva
- Ovjerena kopija rješenje o obavljanju samostalne djelatnosti nadležnog gradskog organa uprave (za fizička lica) - ne starije od 3 mjeseca od dana objave Javnog poziva
- uvjerenje Službe za finansije, privredu i poljoprivredu Grada Bihaća da nema neizmirenih obaveza prema Gradu Bihaću (za fizička i pravna lica) ne starije od 3 mjeseca od dana objave Javnog poziva
- Uvjerenje o izmirenim obavezama prema javnim prihodima (original ili ovjerena kopija nadležne Porezne uprave); , ne starije od 3 mjeseca od dana objave Javnog poziva

X NAČIN DOSTAVLJANJA PRIJAVA:

Javni poziv ostaje otvoren **do četvrtka 23.11.2023.godine do 16:00 sati.**

Javni poziv će se objaviti na službenoj stranici TZ Bihać visitbihac.com i službenoj stranici grada Bihaća i JU “Kulturni centar” Bihać.

Prijavu sa pratećom dokumentacijom **dostavlja se lično na protokol Turističke zajednice Grada Bihaća na adresi Bosanska 1, Bihać** u zatvorenoj koverti s naznakom “Prijava za dodjelu na korištenje mobilnih kućica “Winter Park 2023” - ne otvaraj,”

Na poleđini koverte napisati naziv i adresu kandidata, kontakt osobu i telefon.

Za svaku prijavu koja se dostavi na protokol TZ Bihać, izdat će se potvrda o prijemu, sa naznakom datuma i vremena prijema.

Nepotpune i neblagovremene prijave neće se uzimati u razmatranje.

Za sve dodatne informacije u vezi javnog poziva, zainteresovana lica mogu se obratiti TZ Bihać na telefon 037/963 456 od 08:00 do 16:00 sati.